

INDEX CAPITUM.

CAPUT PRIMUM.

Inter Monachos Benedictinos, solemnem Religionis voto obnoxium, plures annos egisse Divum Thomam, propugnat Historice Disquisitionis Auctor. Eadem jam dudum fuerat Angeli de Nuce sententia. Obscure locuti sunt Constantinus Cajetanus, & Marcus Antonius Scipio. Nonnisi oblatum ac Novitium fuisse Thomam Casini, censet Joannes Caramuel: vel etiam seculari dumtaxat veste indutum, sanctis moribus imbuendum, non abnuis Erasmus Gattula.

CAPUT II.

Argumenta, que videntur evincere, quinquennem Thomam a parentibus Deo oblatum apud Casinenses. Ritus oblationis hujusmodi, si qua fuit, Monachatum ejusdem aut solemnem professionem non probat. Neque illum suadent, que decencie argumenta vocantur. Adhuc impuberem Thomam, Abbate cadente juri, si quod adquisiverat, ad seculum rediisse in Scholis Neapolitanis informandum literis, satis indicant Historie.

CAPUT III.

Argumentis, que pro Divi Thomae oblatione afferuntur, traditum dumtaxat ipsi Casinatibus, tamquam nobilem secularem puerum, moribus, & literis instruendum, evincitur. Damiani sententia perperam opponitur. Secularium puerorum scholis non obstant Monachorum mores, & consuetudines. De habitu differitur, quena Casini gestare Thomas potuerit.

CAPUT IV.

Ante pubertatis annos Casino discedit Thomas, a parentibus de consilio Abbatis revocatus. Neapolim

mittitur ad Scholas seculares. Ejusdem familiaritatis, & consuetudo cum Fratribus Ordinis Prædicatorum.

CAPUT V.

Thomas tum seculo demum valedixit, cum Fratrum Prædicatorum Ordini nomen dedit. Disquisitionis mala fides, & oscitantia.

CAPUT VI.

Thome Aquinati, jam vestem Dominicanam induto, Casinensem Abbatiam ab Innocentio quarto Summo Pontifice oblatam, referunt Thomas de Cantimprato, & Prolomæus Lucensis. Hæc narratio diligentius expenditur, Monachatus Thomæ iterum profigitur.

CAPUT VII.

Sachetti Malaspina, Monastico instituto addicentis Thomam, pluribus elevatur, eliditurque testimonium. Acta translationis Corporis ejus expenduntur, que Monachatum ejusdem evertunt.

CAPUT VIII.

Additamenti ad vetustum Casinense Martyrologium fides non est idonea, qua Monachatus Thomæ suaderi queat. Nonnullæ, que feruntur ejusdem Monachatus indicia, levitatis & falsi convicta, æe depulsa.

CAPUT IX.

Chronographia gestorum Sancti Thomæ, a Disquisitione alisque postea expenditur: eademque reformatur. Postremum contra Monachatum ejusdem argumentum.

F. JO. FRAN. BERNARDI MARIÆ DE RUBEIS

ADVERSUS MONACHATUM BENEDICTINUM DIVI THOMÆ AQUINATIS

APUD CASINENSES,

Antequam ad Dominicanum Prædicatorum
Ordinem se transferret,

DISSERTATIO.

CAPUT PRIMUM.

Inter Monachos Benedictinos, solemnem religionis voto obnoxium plures annos egisse Divum Thomam, propugnat cujusdam Historice Disquisitionis Auctoris. Eadem jam dudum fuerat Angeli de Nuce sententia. Obscure loquuti sunt Constantinus Cajetanus, & Marcus Antonius Scipio. Nonnisi oblatum ac Novitium fuisse Thomam Casini, censet Joannes Caramuel: vel etiam seculari dumtaxat veste indutum, sanctis moribus imbuendum, non abnuis Erasmus Gattula.



Ypis Lugdunensibus, revera Venetis, anno 1724. in lucem prodit Historica Disquisitio, suppresso nomine Auctoris, De Monachatu Benedictino Divi Thomæ Aquinatis apud Casinenses, antequam ad Dominicanum Prædicatorum Ordinem se transferret. Doctissimo Viro, qui magna virtutis, & eruditionis opinione florebat, opellam adjudicavit communis fama: ipsumque proprio nomine appellat Marianus Armelinus in Bibliotheca Benedictino-Casinensi, Assisi anno 1731. impressa, in Elogio Angeli de Nuce. Nolim ego celeberrimi viri jam pridem vita functi turbare pios mares: satisque mihi erit, Auctorem Disquisitionis Historice, vel Disquisitionem deinceps vocare, quisquis ille fuerit. Spargi in vulgus, manibusque teri vix coepert elucubratum, ad fucum faciendum aptissima, cum edita typis Andrea Mercurii Veneti Responso paucos post dies opposita est, qua benevolo Lectorum animo judicioque ut exciperetur, per sese splendida cause merita, quam tutandam susceperam, effecerunt. Titulus erat: De Fabula Monachatus Benedictini Divi Thomæ Aquinatis: Responso ad Historicam Disquisitionem &c.

Elapso fere decennio, lucem vidit Historia Abbatie Casinensis, Venetiis anno 1733. excusa apud Sebastianum Coletum: in qua Doctissimus Auctor Erasmus Gattula Parte II. num. v. & in Addendis, idem pertractat argumentum, presso quidem contractoque calamo, sed eo robore omni

quod rei conditio ferre poterat. Utriusque superioris Dissertationis altum priore loco silentium: ac leviuscula solummodo in Addendis mentio Historice Disquisitionis ab Anonymo vulgata; ut quæ pridem collegerat Gattula de Monachatu Divi Thomæ, ex Opusculo Angeli de Nuce, de quo dicendum infra, dubio procul desumpta, typis edidisse videatur, quin Anonymi Disquisitionem, meamque voluerit novo infumto labore vocare ad examen. Quæ vero protulit ipse, diligentius ego expendi omnia: pronumque mihi fuit ut Opusculum secundis curis rescirem, novis auctum argumentis, pluribusque animadvertionibus locupletatum, quo fictitius Divi Thomæ Monachatus magis magisque innotesceret.

Ad ipsam quætionem accedo. Auctoris Historice Disquisitionis consilium, ac sententiam, verbis ejus jam refero. Quod hic demonstrandum (ait ille capite 1. num. 1.) aggredior, est: primo Thomam Aquinatem anno ætatis sue quinto ad Cœnobium Casinense a parentibus missum esse, non piis dumtaxat moribus primisque litterarum rudimentis inter alios nobiles pueros informandum; sed Deo sub Divi Benedicti Monastica disciplina oblatum, ac velut in Monachum consecratum pro jure patriæ potestatis, ut jam tum religioso instituto adstrictus nunquam redire posset ad sæculum; sed potius adultam tandem ætatem adeptus, oblationem de se a parentibus factam, ratam haberet, vitamque Monasticam ibidem expresse solemniterque profiteretur: quod & ille pubertatem ingressus, pro illius ævi more, & ex sacris Ecclesiæ legibus executioni mandavit; eo plane modo quo Divus Placidus, Bonifacius Moguntinus Episcopus, Hildebrandus in Sede Pontificia Gregorius VII. nuncupatus, septennibus Deo sub Divi Benedicti regula a parentibus suis oblatus; Divus Maurus duodennis, Godefridus, Petrus Diaconus, Venerabilis Beda quinquennis; alique bene multi a prima pueritia, Monastico instituto ex parentum voto adstricti & obligati, ut nec inde redire ad sæculum possent; puberes tandem facti, egressique ex ephæbis, sacra vota quibus olim ex patria potestate damnati fuerant, solemniter exolvunt.

